

VENDIM
Nr. 18, datë 28.4.2023

PËR LICENCIMIN E SHOQËRISË RAJONALE UJËSJELLËS-KANALIZIME
POGRADEC SHA

Në mbështetje të neneve 13, 14, 15, 16 dhe 17, të ligjit nr. 8102, datë 28.3.1996, “Për kuadrin rregullator të sektorit të furnizimit me ujë dhe largimit e përpunimit të ujërave të ndotura”, të ndryshuar (ligji nr. 8102); VKM-së nr. 958, datë 6.5.2009, “Për miratimin e kategorive të licencimit dhe të procedurave për aplikim për licencë” (VKM-së nr. 958); si dhe vendimit të Komisionit Kombëtar Rregullator nr. 29, datë 8.12.2009, “Për procedurat e dhënies dhe rinovimit të licencave profesionale për subjektet juridike e fizike që ushtrojnë veprimtari në sektorin e furnizimit me ujë dhe largimit e përpunimit të ujërave të ndotura”, të ndryshuar (Rregullore e licencimit),

KOMISIONI KOMBËTAR RREGULLATOR,

në mbledhjen e datës 28.4.2023, pasi shqyrtoi çështjen me objekt “Mbi miratimin e vendimit ‘Për licencimin e shoqërisë rajonale Ujësjellës-Kanalizime Pogradec sh.a.’”,

KONSTATON SE:

1. Shoqëria Rajonale Ujësjellës-Kanalizime Pogradec sh.a., me shkresën nr. 220 prot., datë 10.3.2023, plotësim me shkresën nr. 289 prot. datë 31.3.2023 dhe plotësim për pagesën shtesë për licencimin me datë 18.4.2023 (me *e-mail*), me lëndë “Kërkesë për pajisje me licencë”, ka paraqitur pranë Entit Rregullator të Sektorit të Furnizimit me Ujë dhe Largimit e Përpunimit të Ujërave të Ndotura (ERRU) kërkesën për licencim.

2. Komisioni Kombëtar Rregullator (KKRR) e gjeti paraqitjen e kërkesës për licencim të shoqërisë rajonale UK Pogradec sh.a. në konformitet me kriteret dhe procedurën e parashikuar në VKM nr. 958 dhe rregulloren e licencimit, “Për procedurat e dhënies dhe rinovimit të licencave profesionale për subjektet juridike e fizike që ushtrojnë veprimtari në sektorin e furnizimit me ujë dhe largimit e përpunimit të ujërave të ndotura”, të ndryshuar, si dhe në zbatim të parashikimeve të VKM-së nr. 302, datë 11.5.2022, “Për politikat kombëtare për riorganizimin e Sektorit të Furnizimit me Ujë dhe të Largimit, Trajtimit dhe Përpunimit të Ujërave të Ndotura” (VKM nr. 302).

3. Referuar kërkesës dhe dokumentacionit shoqërues, rezultojnë:

a) Shoqëria Rajonale Ujësjellës-Kanalizime Pogradec sh.a. (NUIS: M24416601U) është themeluar më datë 26.7.2022, me aksionarë Ministrinë e Infrastrukturës dhe Energjisë me 51%, bashkitë Pogradec me 36.1%, Përrenjas me 12.9%.

b) Drejtues teknik i shoqërisë z. Ferdinand Kullolli është diplomuar në Universitetin Politeknik, në Fakultetin e Gjeologji Minierash, me master të shkencave në Universitetin Politeknik të Tiranës, Inxhinieri e Burimeve Natyrore, profili Gjeomatike, në vitin 2011 dhe plotëson kërkesat e VKM-së nr. 958, mbi edukimin dhe eksperiencën në profesion;

c) Drejtues teknik i shoqërisë z. Oltion Begollari është diplomuar në Universitetin Politeknik, në Fakultetin e Inxhinierisë së Ndërtimit, dega Hidroteknikë, në vitin 2010 dhe plotëson kërkesat e VKM-së nr. 958 mbi edukimin dhe eksperiencën në profesion;

d) Shoqëria rajonale UK Pogradec sh.a. deklaron se ofron shërbimin e furnizimit me ujë dhe largimit të ujërave të ndotura për 100 499 banorë të bashkive Pogradec, Përrenjas;

e) Shoqëria rajonale UK Pogradec sh.a. deklaron se ofron shërbimin e trajtimit të ujërave të ndotura për ITUN Pogradec me një kapacitet për rreth 50,000 PE, për 40 000 banorë të qytetit të Pogradecit.

4. ERRU, në vlerësimin e kërkesës për licencim për herë të parë ka marrë në konsideratë përmbushjen nga ana e shoqërisë rajonale UK Pogradec sh.a., të:

a) kërkesave të ligjit nr. 8102, si dhe kuadrit rregullator në fuqi, në mënyrë të veçantë plotësimin e kushteve si aftësi tekniko-profesionale, aftësi financiare të nevojshme për të përmbushur funksionet dhe për të plotësuar kushtet e licencës, përvojën në sektorin e ujësjellësve dhe të kanalizimeve të mjaftueshme për të marrë përsipër detyrimet që ka licenca, si dhe mbrojtjen e interesave të konsumatorëve, në lidhje me cilësinë, eficiencën, vazhdueshmërinë dhe garancinë e shërbimit;

b) kërkesave të ligjit nr. 9121, datë 28.7.2003, “Për mbrojtjen e konkurrencës”, të ndryshuar (ligji nr. 9121), për moslejimin e abuzimit me pozitën dominuese në treg të ndërmarrjes, veçanërisht në lidhje me kufizimin e tregjeve;

Për gjithë sa më sipër, Komisioni Kombëtar Rregullator, pasi arriti në përfundimin se kërkesa e shoqërisë rajonale UK Pogradec sh.a. është e bazuar ligjërisht dhe plotëson kërkesat ligjore të parashikuara në kuadrin rregullator në fuqi,

VENDOSI:

1. Licencimin e shoqërisë rajonale Ujësjellës-Kanalizime Pogradec sh.a. me NUIS: M24416601U, në kategoritë:

- a) Kategoria A, “Për grumbullimin dhe shpërndarjen e ujit për konsum publik”;
- b) Kategoria C, “Për largimin e ujërave të ndotura”;
- c) Kategoria D, “Për përpunimin e ujërave të ndotura”.

2. Shoqëria rajonale Ujësjellës-Kanalizime Pogradec sh.a. autorizohet të kryejë veprimtaritë e licencuara me:

- a) Drejtues ligjor: Johan Sterjo;
- b) Drejtues teknik: Ferdinand Kullolli;
- c) Drejtues teknik: Oltion Begollari.

3. Zona e shërbimit të shoqërisë rajonale Ujësjellës-Kanalizime Pogradec sh.a. janë bashkitë Pogradec, Përrenjas.

4. Kjo licencë është e vlefshme për një periudhë 4-vjeçare.

5. Drejtuesi ligjor i shoqërisë rajonale Ujësjellës-Kanalizime Pogradec sh.a. detyrohet të nënshkruajë kushtet e licencës brenda 10 ditëve nga data e njoftimit.

6. Ngarkohet Drejtoria Tekniko-Ekonomike të njoftojë shoqërinë rajonale Ujësjellës-Kanalizime Pogradec sh.a. për marrjen e këtij vendimi.

7. Vendimi i KKRR-së nr. 191, datë 14.5.2021 “Për licencimin e shoqërisë Ujësjellës-Kanalizime Pogradec sh.a.”, shfuqizohet. Vendimi i KKRR nr. 345, datë 21.9.2021, “Për licencimin e shoqërisë Ujësjellës-Kanalizime Librazhd-Përrenjas sh.a.”, shfuqizohet.

Ky vendim hyn në fuqi menjëherë.

Ky vendim publikohet në Fletoren Zyrtare.

KRYETAR
Ndriçim Shani